

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Ազգային տոները, ծեսերի կազմակերպման առանձնահատկությունները կրթական գործընթացում

Հաստատություն՝ «Կապանի թիվ 9 ՆՈՒՀ» ՀՈԱԿ

Դաստիարակ՝ Մելինե Ավանեսյան

Ղեկավար՝ Ժաննա Ավետիսյան

Կապան 2022թ.

**ԲՈՎԱՆԴԱԿՈՒԹՅՈՒՆ**

**Ներածություն.....3**

**Գլուխ 1. Ազգության Տնկերի, Ծեսերի ԿԱԶՄԱԿԵՐՊՄԱՆ ԱՌԱՆՁՆԱՀԱՏԱԿՈՒԹՅՈՒՆՆԵՐԸ.....4**

**1.1 Ծես, Ծիսակարգ, ԱՌԱՆՁՆԱՀԱՏԱԿՈՒԹՅՈՒՆՆԵՐԸ.....4**

**1.2 Ծիսակարգի հարցերը եվ իրանց ՆՇԱՆԱԿՈՒԹՅՈՒՆԸ.....5**

**1.3 Ծնունդի և կրթության Ծեսի Միջոցով .....7**

**Գլուխ 2. Ազգության Ծեսը ՈՐՊԵՍ Կրթական ԿԱՄՈՒՐՁ .....8**

**2.1 Ծիսակարգի Միջակայք, Երգ – Պարը Երեկուցի ՋԱՐԳԱՑՄԱՆ Միջոց.....8**

**2.2. ՎԱՐԴԱՎԱՌԻ ԾԵՍԸ ՆԱԽԱԿՐԹԱՐԱՆՈՒՄ.....11**

**ԵԶՐԱԿԱՑՈՒԹՅՈՒՆ .....15**

**ԱՌԱՋԱՐԿՈՒԹՅՈՒՆ ..... 15**

**ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ.....16**

## ՆԵՐԱՄՈՒԹՅՈՒՆ

### **Հետազոտության արդիականությունը.**

Ժամանակակից նախադպրոցական կրթության խնդիրները լուծելու մանկավարժական միջոցներից մեկը ազգային տոների և ծեսերի կազմակերպումն է կրթական ոլորտում: Այն պահպանում է նախորդ սերունդների ամենահարուստ հոգևոր և բարոյական ժառանգությունը, իմաստությունն ու հոգևոր գեղեցկությունը: Ազգային տոների և ծեսերի կրթական ուղղվածությունը շատ մեծ է և բաղկացած է նրանից, որ այս տոները հարստացնում են նախադպրոցական տարիքի երեխաների պատկերացումները հայ ժողովրդի պատմության և ավանդույթների մասին և թույլ են տալիս նրանց տիրապետել տոնական և ծիսական մշակույթի ավելի բարդ տարրերին:

Այս թեման ներկայումս արդիական է մշակութաբանության, սոցիոլոգիայի, հոգեբանության և մանկավարժության մեջ:

**Հետազոտական աշխատանքի նպատակն է՝** դիտարկել ազգային տոների և ծեսերի կազմակերպումը կրթական գործընթացում, իրականացնել հետազոտական խնդրի տեսական հիմնավորում, ազգային մշակույթի յուրացում և ազգային ժառանգության փոխանցում:

Ուսուցման համակարգի հենց առաջին օղակից՝ մանկապարտեզից է սկսվում մանկան աշխարհաճանաչմանն ուղղված տարրական գիտելիքների յուրացումը: Հիմնականում այստեղ է ձևավորվում նրա վերաբերմունքը աշխարհի, մարդկանց, շրջապատի և վերջապես գեղեցկության նկատմամբ: Այստեղ նրա մեջ սերմանելու են մարդուն այսօր այնքան անհրաժեշտ բարության առաքիլության առաջին սերմնացանը ֆրիստոնեական տարրական գիտելիքների ուսուցումն է:

Հայ երեխային հայեցի կրթությունը և դաստիարակությունն այնքան են անհրաժեշտ, որքան մեսրոպյան այբուբենը՝ հայոց լեզուն իմանալու համար:

Մենք՝ մանկավարժներս, պարտավոր ենք ըստ արժանվույն կատարել մեզ վստահված գործը, այսինքն՝ հայ մանուկներին դաստիարակել հայեցի և ֆրիստոնեաբար:

**ԿՐԹԱԿԱՆ ԳՈՐԾԸՆԹԱՑՈՒՄ**

**1.1 Ծես, ծիսակարգ, առանձնահատկությունները**

Մշակույթը չէր պահպանվի և սերնդեսերունդ չէր փոխանցվի, եթե գոյություն չունենային դրան նպաստող որոշակի միջոցներ, որոնցից կարող ենք առանձնացնել պատմության ընթացքում ձևավորված ծեսերը: Ծեսն իրենից ներկայացնում է ավանդական, կամ սահմանված կանոններով կրոնական արարողություն, որին հավատացյալները վերագրում են մոգական և խորհրդավոր հատկություններ:

Ազգային մշակույթի յուրացումը դրված է նախակրթարանի ծրագրի հիմքում, այս դեպքում ազգային ծեսերի իրականացումը դառնում է յուրացման համար հենակետերից մեկը, քանի որ այն արդյունավետ և նոր կազմակերպման ձևերից է:

Ծեսն այն միջավայրն է, որտեղ մասնակիցները նախապատրաստական և իրականացման ընթացքում կիրառում են իրենց կարողությունները, հմտությունները, գիտելիքները: Երեխաները ֆայլ առ ֆայլ, անկաշկանդ միջավայրում, ամենօրյա արդյունավետ գործունեությամբ, լիիրավ մասնակցությամբ, կարողություններ և հմտություններ ձեռք բերելով ու փոխանցելով, յուրացնում են ծեսը:

Ծիսական միջավայրում կատարում են նախօրոք ուսուցանված երգերը, պարերը: Սանը պետք է երգի ազգային երգ, ունկնդրի ազգային երաժշտություն, խաղա ազգային ծիսական խաղեր: Նախակրթարանում սանի համար ազգային ծեսի հանաչման ամենարդյունավետ ձևը խաղն է:

Խաղը զարգացնում է երեխայի

- ուժադրությունը
- հիշողությունը
- երևակայությունը
- ստեղծագործելու կարողությունը
- հաղորդակցման կարողությունը

- շարժողականությունը
- ակտիվությունը
- ընկալումը
- շոշափելու, ուսումնասիրելու, իր դիտողությունները հաղորդելու կարողությունը
- շարժումներին տիրապետելու կարողությունը
- ինֆնատիրապետումը
- ինֆնություն աշխատելու կարողությունը
- վերլուծելու, համադրելու կարողությունը
- բառապաշարը:

## 1.2 Ծիսական խաղերը և դրանց նշանակությունը

Ծիսական խաղերը բացի հետաքրքիր ու տպավորիչ լինելուց, զարգացնում են մանր ու խոշոր մկանային մոտորիկան, ընդհանուր շարժումային համակարգը, դրանք թատրոնի նման սինթետիկ արվեստ են դառնում, որոնք ինտեգրում են ինչպես երեխայի զարգացման բոլոր ոլորտները, այնպես էլ գործունեության տարբեր ձևերը: Աշխատանքի ընթացքում օգտագործված հիմնական մեթոդներից են՝

- իրավիճակների խաղարկում
- դերախաղ
- խմբային աշխատանք

Ծիսական խաղերի, ծիսական գործողությունների միջոցով սանը ծանոթանում է ազգային մշակութային այլ դաշտի հետ, որտեղ միասին ներկայանում են խաղը, երգը, պարը, ծիսական գործողությունները:

Դեռ հնագույն ժամանակներից հայերն իրենց ու իրենց երեխաների զվարճանալու ու նաև մարզվելու համար կազմակերպել են բազմազան խաղեր: Այդ խաղերից շատերը զարգացրել են մանուկների ֆիզիկական ուժը, նեանատությունը, հարակությունը, արագ կողմնորոշվելու ու որոշում ընդունելու կարողությունը: Հետաքրքիր է, որ նաև հին Հայաստանում տղաները և աղջիկները խաղում էին միասին:



### 1.3 Ծնողական կրթություն ծեսի միջոցով

Շատ կարևոր է ծնողի մասնակցությունը իր երեխայի ծխական գործունեությանը: Ծեսը ծնողին համեմատաբար հասկանալի իրողությունն է, նրա ակտիվ մասնակցությունը դրան ավելի պլուրին է, քան դպրոցական որևէ այլ արարողություն: Նա պատրաստ է մասնակցել ծխական բոլոր արարողություններին, որովհետև կենցաղում ինքը դրա կարիքն ունի, որովհետև ինքը դա կիրառում է, բայց նյութին չի տիրապետում: Նա սովորում է իր երեխայի սովորած երգերն ու պարերը, նրա հետ ելում է ծխական կերակուրները՝ միաժամանակ մասնակից դառնալով իր երեխայի ուսումնական գործընթացին:

Արդյունքում ծնողը ոչ միայն կրթվում է, այլև դառնում է նախակրթարանի գիտակից պատվիրատուն ու գործընկերը:



## ԳՆՈՒՆ 2 ԱԶԳԱՅԻՆ ԾԵՍԸ ՈՐՊԵՍ ԿՐԹԱԿԱՆ ԿԱՄՈՒՐՁ

### 2.1 Ծիսական միջավայրը, երգ-պարը երեխայի զարգացման միջոց

Երեխայի ներդաշնակ և հոգևոր զարգացման կարևոր խնդիրներից մեկն ազգային մշակույթի յուրացումն է՝ ավանդույթներ, ծեսեր, տոներ: 21-րդ դարի սկզբին հայտնվել են մի տխուր փաստի առջև. մենք կորցրել ենք ազգային շատ կարևոր արժեքներ և փորձում ենք վերականգնել կորցրածը: Այս գործը պետք է սկսել վաղ հասակից, այսինքն՝ ծնված օրվանից: Երեխան դաստիարակվում և սովորում է՝ յուրացնելով մեծերի փոխանցած մշակույթը: Եթե ընտանիքում, հասարակության մեջ չի պահպանվել ավանդականը, ապա այդ գործն իր վրա է վերցնում պետությունը կամ կրթօջախը՝ սկսելով նախակրթարանից և շարունակելով մինչև դպրոցն ավարտելը:

Ծեսերին նոր կյանք տալու համար հարկավոր է նախ շատ լավ յուրացնել ավանդականը, հանաչել այն միջավայրը, որտեղ ստեղծվել են դրանք: Լավ իմանալ երգերն ու պարերը, ծիսական գործողությունները, պարագաները, դրանց խորհուրդն ու պատրաստման տեխնոլոգիան: Ծիսական երգ-պարի, խաղերի միջոցով սաների մոտ պատկերացումներ ենք ձևավորում ազգային տոների, ավանդույթների, երգ-երաժշտության մասին: Ուստի այն նաև ազգայինը պահպանման ու ստրածման նշանակություն ունի: Եվ ինչ է պետք երեխային, եթե ոչ ազգային հիմք, որը պետք է սերմանվի հենց մանուկ հասակից՝ նախակրթարանից:

Մեր նախակրթարանում ամեն տարի մեծ ոգևորությամբ նշվում են ազգային ծեսերը՝ ազգային երգ ու պարով, խաղիկներով և խաղերով: Դաստիարակներով մասնակցել ենք նախակրթարանի կողմից կազմակերպված մերոպժամին՝ «Ազգային խաղերը՝ երեխայի հանաչողական, մտավոր և ֆիզիկական զարգացման միջոց» թեմայով և պատրաստել ենք ծիսական տարբեր պարագաներ:





«Ծեռով ուսուցում» նախագծով վերապատրաստման դասընթաց է կազմակերպվել մեր նախակրթարանում, որի ընթացքում պատրաստել ենք թեմատիկ տեխնոլոգիական աշխատանքներ:





## 2.2. ՎԱՐԴԱՎԱՌԻ ԾԵՍԸ ՀԱՆԱԿՐԹԱՐԱՆՈՒՄ

Այժմ նշեն նախակրթարանում իմ մասնակցությամբ իրականացված ծեսերից մեկը՝ Վարդավառը:

Թե՛նա՝ «Վարդավառի ծես»

### 1. Նպատակը

- ծանոթանալ ազգային ծեսերին ու տոներին,
- ծեսը վերականգնել, նոր կյանք տալ:

### 2. Սովորողների խումբը՝

ավագ խումբ

### 3. Հնրացքը

- տարբեր աղբյուրներից ուսումնասիրում ենք Վարդավառի ծեսը,
- համակարգում ենք հիմնական գործողությունները,
- որոշում ենք՝ ծիսական որ գործողությունների վրա է կառուցվելու ծեսը,
- սովորում ենք Վարդավառի ծիսական, ծեսին համապատասխան երգեր, պարերգեր, պարեր,

- սովորում են պատրաստել Խաչբուռ, որը կարելի է պատրաստել ինչպես հասկերից, այնպես էլ՝ ծաղիկներից (Դանիել Վարուժան, «Խաչբուռ»),
- ծխական «Խնդում» պատրաստելու համար նախապատրաստում ենք վարունգ, խնձոր, վարդ, վարդի թփեր, ծղոտե գամբյուղ,
- որոշում ենք գործողությունների հաջորդականությունը, կազմում ենք նախնական սցենարը:

#### 4. Աշխատանքների ծավալը և ժամանակացույցը

- ձեռից մեկ ամիս առաջ սկսվում են նախապատրաստական աշխատանքները,
- ձեռն իրագործվում է Վարդավառի օրը (Զատիկից 90 օր հետո):

#### 5. Արդյունքները

կիմանա՝

- ազգային ձեռը,
- ազգային սովորույթը,
- ազգային ավանդական պարերը,
- հայկական ժողովրդական և ծխական երգերը,
- ծխական կերպարները,
- ժողովրդական, մանկական, ծխական խաղերը,
- ծխական պարագաները:

կկարողանա՝

- երգել հայկական ժողովրդական և ծխական երգեր,
- պատրաստել ծխական պարագաներ,
- խաղալ ժողովրդական, մանկական, ազգային ծխական խաղեր:





## ԵԶՐԱԿԱՑՈՒԹՅՈՒՆ

Յուրաքանչյուր սերունդ սպրուան է իր ժամանակաշրջանում, այդուհանդերձ կարիք ունի նախորդ սերնդի փորձառություններին ու նրանց ցույց տված ուղղություններին:

Այսօր՝ գիտության և տեխնոլոգիայի զարգացման այս դարաշրջանում, երբ ամեն ինչ արագ փոփոխվում է և միաձուլվում իրար, պետք է անել ամեն ինչ, որպեսզի մեր ազգային մշակույթը չկորչի: Իսկ դրա պահպանման համար պետք է երեխաների մեջ սերմանել սեր և նվիրում մեր ազգային մշակույթի հանդեպ, նրանց դաստիարակել հայեցի:

Ազգային տոներին, ծեսերին մասնակցելու արդյունքում երեխան առնչվում է ազգային երգ ու պարին, սովորություններին, մշակույթին, ձեռք է բերում նոր գիտելիքներ ու փորձ:

Մեսի իրագործման հանապահիչ բնական միջավայր է ստեղծում երեխայի գիտելիքների, հմտությունների գործնական արդյունավետ կիրառման, մանկապարտեզ-ընտանիք համագործակցության համար:

Այսպիսով՝ հետազոտական աշխատանքի թեման ուսումնասիրելով և վերլուծելով հասկացա , որ հասել են նպատակիս, բայց եթե նախակրթարանը ունենար դինամիկ-բուֆեր նվազարկիչ, մեր փորձը կկարողանայինք տարածել այլ մանկապարտեզներում:

## ԱՌԱՋԱՐԿՈՒԹՅՈՒՆ

Կատարված հետազոտության արդյունքների մշակումից հետո կարող են կատարել մի քանի առաջարկ՝

- ❖ երեխայի մեջ սերմանել սեր մեր ազգային արժեքների նկատմամբ փոքրուց,
- ❖ ծեսի մասին տեղեկատվության հավաքագրումը կազմակերպել սաների միջոցով,
- ❖ ծնողներին ներգրավվել կազմակերպվող ծեսերին,
- ❖ պատրաստել ծխական պարագաներ թափոններից:

## ՕԳՏԱԳՈՐԾՎԱԾ ԳՐԱԿԱՆՈՒԹԹԱՆ ՑԱՆԿ

1. «Նախաշավիկ» գիտամեթոդական հանդես , 5.2010:
2. Ա. Սարգսյան` «Ազգային տոներ:
3. Վ. Բյոյան «Հայ ժողովրդական խաղեր»:
4. Մարինե Մկրտչյան «Միլիթար Սերաստացի» կրթահամալիր:
5. Հր. Խառատյան «Ազգային ծեսեր, տոներ»:
6. [https://ru.docs.wps.com//sIPWCuPm-AaT4uJwG?fbclid=IwAR28PTqDCmF-mznhPqf8JeCjqeHHLqu7DHAPlrsfif18XTbBcr\\_7ZEQ1xwM](https://ru.docs.wps.com//sIPWCuPm-AaT4uJwG?fbclid=IwAR28PTqDCmF-mznhPqf8JeCjqeHHLqu7DHAPlrsfif18XTbBcr_7ZEQ1xwM)